



**Sanaziun sarinera Zernez - folia da l'accumulatur da gas (Gasspeicher) e per l'indriz dal rastè - surdatta da lavur**

In connex cul proget sanaziun sarinera Zernez sun gnüdas surdattas las seguaintas incumbenzas: lavurs per la folia da l'accumulatur da gas a la firma AAT Abwasser- und Abfalltechnik GmbH, AT-Wolfurt e las lavurs per l'indriz dal rastè a la firma Picatech Huber AG, Horw.

**Aua da baiver - reparaturas e rimplazzamaints idrants - surdatta da lavur**

In seguit a controllas d'idrants in cumün sun resultats divers manguels. Sper singulas reparaturas esa da rimplazzar quatter idrants cun defets da funcziunalità. Las lavurs sun gnüdas surdattas a la ditte VonRoll Hydro AG chi ha eir manà tras las controllas.

**EW Zernez - proget SS Tarsous - surdatta da furniziun e glista da submittents**

Il proget da sanaziun e rimplazzamaint dal scumpart da mezza tensiun illa cabina Tarsous es in planisaziun. Il gremi ha approvà l'inizi dal proget ed acconsenti la glista da submittents per la montascha electrica. Inavant es gnüda surdatta la furniziun da l'indriz da scumpart da mezza tensiun a la ditte Siemens Schweiz AG, Turich.

**Forz'electrica - definiziun "contribuziun al man public" per l'on 2024**

Minch'on ston ils cumüns definir l'import chi vain indemnisà pels drets da passagi/transport d'energia, la „contribuziun al man public“. La suprastanza cumünala ha decis da definir pel 2024 quista contribuziun per tuot las quatter fracziuns sün 2.5 rps/ukw (1.0 rps + 1.5 rps per Zernez Energia 2020). Quistas tarifas vaglian a partir dals 1. october 2023.

**Convegna Viafier Retica - adöver temporari dal fuond e servitut d'adöver - sistem nouv da cassa Vereina**

La suprastanza cumünala ha approvà üna convegno cun la Viafier Retica in connex culs müdamaints ed adattamaints dal nouv sistem da cassa dal tunnel dal Vereina. La convegno regla l'adöver temporarmaing d'üna part da la parcella cumünala no. 3452 ed eir la pussibilità da drizzar aint ün servitut d'adöver sülla surfatscha da 12m<sup>2</sup> sün quella parcella per eriger là üna pütta da betun.

**Defibrillatur illa fracziun da Brail – credit supplementar**

Il gremi respunsabel ha deliberà ün credit supplementar per la cumprita e per l'installaziun d'ün defibrillatur per la fracziun da Brail. L'urdegn gnarà piazzà vi da la fatschada da la Chesa Polivalenta.

**ICT cumün - support d'informatica - credit supplementar**

La suprastanza cumünala ha deliberà ün credit da s-chars 23'000 chf per la cumpra d'ün paket da 150 uras da support d'informatica extern tras la firma Alphacom, Domat/Ems.

**Chamonna Il Cuvel, Ova Spin - fittanza chatscha 2023**

Davo avair publichà ils 20 gün 2023 la fittanza da la chamonna Il Cuvel sü Ova Spin pel temp d'ürant la chatscha 2023 ha la direcziun operativa pudü surdar quella ad Arno Gottschalk.

**Il Cumün da Zernez ha acconsenti ils seguaints permiss da fabrica:**

Parcella no. 0014, Crusch Alba AG, Zernez – annex plan terrain Hotel Swisslodge

Parcella no. 0217, NCZ GmbH, Zernez – chasa da plüssas famiglias (18 abitaziuns)

Parcella no. 0410, Sandulache Vlad, Brail – nouva garascha

Parcella no. 1079, Ammann Max, Brail – pumpa da chalur - fourada da recambi

Parcella no. 1081, STWEG Chasa Collina, c/o Reto Juon, Brail – pumpa da chalur cun sondas

Parcella no. 1094, Nuotclà & Da Silva GmbH, Zernez – suosta per material, dumonda posteriura

Parcella no. 1204, Lehner Reto ed Ursina, Zernez – indriz fotovoltaic

Parcella no. 2019, Arquint Oliver David, Susch – reclama dasper la via